

**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ**

**ДОМ НАРОДА
ПРЕДСТАВНИЧКИ ДОМ**

Зajедничка комисија за европске интеграције



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE**

PREDSTAVNIČKI DOM/ZASTUPNIČKI DOM

Zajednička komisija za evropske integracije
Zajedničko povjerenstvo za evropske integracije

Broj: 03/4-50-14-10-24,2/17
Sarajevo, 25.7.2017.

**BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO**

PRIMLJENO: 26.07.2017			
Organizaciona jedinica	Klasifikaciona oznaka	Redni broj	Broj priloga
01-	50-1-	1508/17	

09 15
B

**PREDSTAVNIČKOM DOMU
DOMU NARODA
PARLAMENTARNE SKUPŠTINE BOSNE I HERCEGOVINE**

Na osnovu čl. 55. i 62. Poslovnika Predstavničkog doma Parlamentarne skupštine BiH ("Službeni glasnik BiH", br. 79/14, 81/15 i 97/15) i čl. 45. i 52. Poslovnika Doma naroda Parlamentarne skupštine BiH („Službeni glasnik BiH“, br. 58/14, 88/15 i 96/15), Zajednička komisija za evropske integracije dostavlja Kolegiju Predstavničkog doma PSBiH i Kolegiju Doma naroda PSBiH sljedeću

INFORMACIJU

o poslaničkoj inicijativi Nikole Lovrinovića, broj: 01-50-1-1508/17, od 16.6.2017.

Kolegij Predstavničkog doma Parlamentarne skupštine BiH je na 51. sjednici razmatrao poslaničku inicijativu Nikole Lovrinovića, broj: 01-50-1-1508/17, od 16.6.2017. Kolegij je kao nadležnu za razmatranje navedene inicijative, u skladu s članom 20. tačka e) Poslovnika Predstavničkog doma Parlamentarne skupštine BiH ("Službeni glasnik BiH", br. 79/14, 81/15 i 97/15) odredio Zajedničku komisiju za evropske integracije.

Zajednička komisija za evropske integracije je na 24. sjednici, održanoj 25.7.2017., razmatrala poslaničku inicijativu Nikole Lovrinovića, broj: 01-50-1-1508/17, od 16.6.2017., koja glasi: „Na osnovu člana 8. Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15 i 97/15), podnosim poslaničku inicijativu za uvrštavanje u dnevne redove narednih sjednica Predstavničkog doma i Doma naroda Parlamentarne skupštine BiH tačke pod nazivom: Izjašnjavanje domova Parlamentarne skupštine BiH o članu 7. st. (3) i (4) Poslovnika Parlamentarnog odbora za stabilizaciju i pridruživanje između Parlamentarne skupštine BiH i Evropskog parlamenta koji glase:

(3) Svaki član Biroa, prije konačnog glasanja o preporukama Odbora, može zatražiti pauzu u svrhu usaglašavanja.

(4) Amandmani na prijedlog preporuka i konačni tekst preporuka smatraju se usvojenim ako dobiju dvotrećinsku podršku prisutnih članova delegacije Evropskog parlamenta i dvotrećinsku podršku članova delegacije Parlamentarne skupštine BiH.

Nakon rasprave, Zajednička komisija za evropske integracije nije se izjašnjavala o poslaničkoj inicijativi Nikole Lovrinovića niti je zauzimala stavove o bilo kojem zaključku predloženom u vezi s ovom inicijativom. Postignut je dogovor da se kolegiji domova Parlamentarne skupštine BiH informiraju o toku rasprave u vezi s ovom inicijativom.

Podsjećamo na hronološki tok događaja:

- Konstituirajuća sjednica Delegacije Parlamentarne skupštine BiH u Parlamentarnom odboru za stabilizaciju i pridruživanje između Parlamentarne skupštine BiH i Evropskog parlamenta (POSP) održana je 14.10.2015. Do sada je održano ukupno 11 sjednica.

U članu 121. stav 3. Sporazuma o stabilizaciji i pridruživanju kaže se da Parlamentarni odbor za stabilizaciju i pridruživanje donosi svoj poslovnik. Rasprava o Poslovniku bila je uvrštena u dnevne redove svih do sada održanih sjednica Delegacije Parlamentarne skupštine BiH, kao i u dnevni red 1. sastanka POSP-a. Do danas nije usaglašen tekst Poslovnika, pri čemu se jedino neusaglašeno pitanje odnosi na način glasanja. U raspravama o ovom pitanju izneseni su različiti prijedlozi. Posljednji prijedlog člana 7. koji je iznio predsjedavajući Delegacije Evropskog parlamenta na sastanku Biroa u Strazburu, u junu 2016., a odnosi se na donošenje preporuka dvotrećinskom većinom prisutnih članova obje delegacije, nije prihvaćen na posljednjoj sjednici naše delegacije.

Zbog neusvajanja Poslovnika Evropski parlament otkazao je 2. sastanak POSP-a, te nije spreman organizirati naredni sastanak dok ne bude usaglašen tekst Poslovnika.



Predsjedavajući Zajedničke komisije
Nikola Lovrinović